

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine („Službene novine FBiH“, broj: 34/03 i 65/13), i članova 11. i 12. Zakona o osnivanju JU Centar za socijalni rad Bosansko - podrinjskog kantona Goražde („Službene novine Bosansko-podrinjskog kantona Goražde“, broj: 5/00), a u skladu sa Kriterijima za imenovanje u upravne odbore ustanova socijalne zaštite na području Bosansko - podrinjskog kantona Goražde („Službene novine Bosansko-podrinjskog kantona Goražde“, broj: 2/04 i 8/17), te Zaključkom Vlade Bosansko - podrinjskog kantona Goražde, broj: 03-4-2644-2/23 od 15.12.2023.godine, Ministarstvo za socijalnu politiku, zdravstvo, raseljena lica i izbjeglice Bosansko- podrinjskog kantona Goražde, objavljuje:


JAVNI OGLAS
za izbor i imenovanje predsjednika i članova Upravnog odbora
JU "Centar za socijalni rad" Bosansko - podrinjskog kantona Goražde

1. Objavljuje se Javni oglas za izbor i imenovanje predsjednika i članova Upravnog odbora **JU Centar za socijalni rad Bosansko - podrinjskog kantona Goražde**, i to na pozicije:
 - tri (3) člana – predstavnika osnivača
 - dva (2) člana – predstavnika stručnih radnika ustanove.
2. Opis pozicije člana upravnog odbora: zajedno sa ostalim članovima i uz konsultacije sa Kantonalnim ministarstvom za socijalnu politiku, zdravstvo, raseljena lica i izbjeglice i osnivačem obavlja poslove u skladu sa Zakonom o osnivanju JU Centar za socijalni rad Bosansko - podrinjskog kantona Goražde, te drugim zakonima i propisima koji uređuju ovu oblast.
3. Pored općih uslova propisanih Zakonom, kandidati moraju ispunjavati slijedeće uslove:
 - da imaju završen VII ili VI stepen stručne spreme društvenog smjera, (izuzetno, ukoliko se vrši kandidiranje u UO ustanova socijalne zaštite ispred uposlenika ustanove socijalne zaštite, kandidati mogu imati i završen IV stepen stručne spreme društvenog smjera),
 - da imaju najmanje jednu godinu radnog iskustva u poslovima iz struke,
 - da imaju stručno znanje iz djelatnosti ustanove socijalne zaštite, te da su upućeni u sadržaj i način njenog rada,
 - da nisu direktori ustanova socijalne zaštite (ovjerena izjava),
 - da nemaju privatni - finansijski interes u ustanovi (ovjerena izjava),
 - da nisu članovi upravnog odbora u više od jedne ustanove socijalne zaštite (ovjerena izjava).
4. Uz potpisanu prijavu na javni oglas, a koja sadrži kraću biografiju, adresu i kontakt telefon kandidati su dužni u prijavi naznačiti jednu poziciju na koju se kandiduju (za predsjednika, odnosno člana) i iz kojeg reda predstavnika (osnivača, odnosno stručnih radnika ustanove).
5. Uz prijavu na Javni oglas, kandidati su dužni priložiti sljedeću dokumentaciju (original ili ovjerenu fotokopiju):
 - Dokaz o završenoj školskoj spreml,
 - Uvjerenje o radnom iskustvu u struci,
 - Izvod iz matične knjige rođenih,
 - Uvjerenje o državljanstvu (ne starije od 6 mjeseci),
 - Uvjerenje da se protiv lica ne vodi krivični postupak, ne starije od 3 mjeseca (Općinski sud),
 - Ovjerenu izjavu da kandidati nisu direktori ustanove za čiji se upravni odbor kandiduju, da nemaju privatni-finansijski interes i da nisu članovi upravnog odbora u više od jedne ustanove socijalne zaštite.

Predmetni javni oglas je objavljen dana 14.02.2024.godine u dnevnom listu "Dnevni avaz", na službenoj web. stranici Vlade Bosansko - podrinjskog kantona Goražde: www.bpkg.gov.ba i Oglasnoj ploči Bosansko - podrinjskog kantona Goražde. Oglas ostaje otvoren 15 (petnaest) dana od dana posljednjeg objavljivanja u Službenim novinama FBiH. Nepotpune i neblagovremene prijave neće se uzimati u razmatranje.

Prijave sa traženom dokumentacijom slati na adresu: **Ministarstvo za socijalnu politiku, zdravstvo, raseljena lica i izbjeglice Bosansko - podrinjskog kantona Goražde, ul. 1. Slavne Višegradske brigade 2a, Goražde, sa naznakom: "Prijava na Javni oglas za izbor i imenovanje predsjednika i članova upravnog odbora JU "Centar za socijalni rad" Bosansko - podrinjskog kantona Goražde-NE OTVARAJ".**

Za dodatne informacije možete se obratiti Ministarstvu na kontakt telefon: 038/243-086.



Ministarstvo za socijalnu politiku, zdravstvo, raseljena lica
i izbjeglice Bosansko - podrinjskog kantona Goražde